

春秋屬辭辨例編

春秋屬辭辨例編卷五十五目錄

比事屬辭書法

前後一事或中興義同比屬之義

宣公至哀公末

春秋屬辭辨例編卷五十五

錢唐張應昌學

○此事屬辭書法

前後一事或事異義同比屬之義

宣公至哀公末

宣元年春王正月公卽位公子遂如齊逆女三月遂以夫人婦姜
至自齊 夏季孫行父如齊 公會齊侯于平州 公子遂如齊
六月齊人取濟西田

宣公在疚而首遣大夫逆昏所遣者又同惡之大夫書之所以
著敬嬴襄仲之逆謀與齊元之黨惡也蓋請昏割地其謀皆在
遂與得臣如齊之時故卽位未幾而有逆女之行無何又有割
地之事春秋書卽位卽繼書逆女書遂以夫人婦姜至自齊又
書季孫行父如齊書公會齊侯于平州書公子遂如齊書齊人
取濟西田魯結齊援齊輔魯逆詳錄之以治齊魯之罪二國皆

有討也夫如齊而歸弑其君者公子遂也逆女亦遂也割地以賂亦遂也春秋備書以見始終皆此一賊之所爲誅齊也治魯

也誅襄仲也備觀而義俱見

家鉉翁詳說

○文十八年書公子遂叔

孫得臣如齊而不書其故已而十月子卒則遂及得臣如齊之意可見矣此年書季孫行父如齊而不書其故已而書公會齊

侯于平州則行父如齊之意可見矣

程端學本義引王氏

○子赤卒夫人

歸公卽位逆女于齊又會齊侯齊人取田雖欲不疑於人不可

得也

呂本中集解

○胡氏汪氏說見內大夫書如門如齊非聘行父

遂條下張氏治說見魯政下逮門宣元○觀濟西田之取而逆

臣得免於討之故可知矣二卿之聘婦姜之歸平州之會皆以

貪而動於惡可知矣

方苞直解

○會齊拜成而篡弑之位定齊取濟

田而黨弑之功成傳曰定公位又曰爲立公故聖人誅賊之義

蹶然

姜炳璉讀左補義

○上書公會齊侯下書齊人取田其事顯然可

見桓元年上書公會鄭伯于垂下書鄭伯假許田與此正相類

但彼乃鄭脅取此則魯自納賂耳

葉酉究遺

○按顧氏奎光說與葉氏意同見前桓元年

宣元年晉放其大夫胥甲父子衛 哀三年蔡人放其大夫公孫

獵于吳

稱國稱人與書殺同說見本門

宣元年晉放其大夫胥甲父子衛二年晉趙盾弑其君夷皋

宣九年陳殺其大夫洩冶十年陳夏徵舒弑其君平國

張氏說見書放門

宣元年公會齊侯于平州公子遂如齊齊人取濟西田

牛氏說見外取田邑門

宣元年齊人取濟西田十年齊人歸我濟西田

哀八年齊人取譚及闞齊人歸譚及闞

高氏說見外取田邑門宣元

宣元年楚子鄭人侵陳遂侵宋 成十八年夏楚子鄭伯伐宋冬
楚人鄭人侵宋 襄十年楚公子貞鄭公孫輒帥師伐宋 十一
年楚子鄭伯伐宋

張氏說見大夫帥師門襄十

宣元年楚侵陳遂侵宋晉救陳伐鄭二年晉宋衛陳侵鄭楚侵鄭
四年五年楚再伐鄭六年晉衛侵陳八年楚伐陳九年晉會扈伐
陳楚伐鄭晉救鄭十年晉宋衛曹伐鄭楚伐鄭十一年楚陳鄭盟
辰陵

楚侵陳沈說晉侵陳直解說晉伐陳李引謝說救鄭陳說伐鄭
陸說盟辰陵季程說見晉楚爭盟門

宣元年秋晉趙盾帥師救陳伐鄭冬晉趙穿帥師侵崇 二年秋晉趙盾弑其君夷皋

襄二十四年齊崔杼帥師伐莒二十五年春齊崔杼帥師伐我北鄙夏齊崔杼弑其君光

胡氏銓說見大夫帥師門襄二十四

宣元年晉趙盾救陳宋公等會晉師于柴林伐鄭

定八年齊伐我西鄙公會晉師于瓦

高氏說見救不書門定八會師兩條方氏說見書會師門

宣二年秋晉趙盾弑其君夷皋 六年春晉趙盾衛孫免侵陳

定十三年秋晉趙鞅入于晉陽以叛 冬晉趙鞅歸于晉

春秋書趙盾弑其君又書趙盾侵陳書趙鞅叛又書趙鞅歸晉

皆責其君不能討非誅其弑誅其叛而又開之也

姚舜牧疑問

宣三年楚子伐陸渾之戎 昭十七年晉荀息帥師滅陸渾之戎

直解說見書戎門昭十七

宣四五年五書公如齊公至自齊

成三十四四書公如晉公至

自晉

家汪說見公至門成三年

宣四年公及齊侯平莒及邾莒人不肯公伐莒取向 十一年公

孫歸父會齊人伐莒

趙氏說見書伐門宣十一

宣公五如齊仲孫蔑一如京師 襄公五如晉叔孫豹一如京師

顧氏說見內大夫書如門如京師後論

宣七年衛孫良夫來盟成三年又來聘及盟 成七年孫林父奔

晉十四年自晉歸于衛十五年會鍾離襄二年兩會戚五年會吳

善道七年來聘及盟十四年衛侯出奔齊林父會戚十九年林父伐齊二十六年入于戚以叛

張氏自超說見晉卿專國門襄二十六馬氏姜氏論孫氏專衛見宋衛亂臣總論家氏說見成七年條下

宣八年六月辛巳有事于太廟仲遂卒于垂壬午猶繹萬入去籥昭十五年二月癸酉有事于武宮籥入叔弓卒去樂卒事

李說

宣八毛說

昭十

見內祀門趙氏屬辭說見樂制門宣八

宣八年夏夫人嬴氏薨 九年春公如齊

襄二年夏夫人姜氏薨 三年春公如晉

范氏張氏說見公如門

宣八年晉師白狄伐秦 成九年秦人白狄伐晉

胡傳見書狄門成九

宣八年楚師伐陳九年會于扈晉荀林父帥師伐陳

直解說張氏說見爭陳門

宣九年陳殺其大夫洩冶十年陳夏徵舒弑其君平國十一年楚人殺陳夏徵舒楚子入陳

萬氏說見殺大夫門宣九

宣十年春公如齊公至自齊 夏公如齊公至自齊

天王之喪魯不奔不躄而爲齊奔喪悖也春書公如齊公至自齊曾未數月又書公如齊公至自齊備書所以貶也春秋於魯之大惡每備書以見義不加貶斥而義自見此類是也

家鉉翁詳說

宣十年四月齊侯元卒公如齊五月公至自齊 成十年五月晉侯孺卒七月公如晉十一年三月公至自晉 襄二十八年十二月楚子昭卒二十九年王正月公在楚五月公至自楚

皆諱送葬其實不沒

汪氏戴氏說見魯公奔喪送葬門宜十襄二十九

宣十年齊侯元卒公如齊 成十年五月晉侯獮卒七月公如晉

十一年三月公至自晉 襄二十八年楚子昭卒二十九年正月公在楚

襄三十一年六月公薨十月滕子來會葬 定十五年五月公薨

邾子來奔喪九月滕子來會葬

戴說見公如總論襄三十一陳說定十五直解說見列國來奔

喪會葬門趙說見諸侯以事來門

宣十年夏四月齊侯元卒 公如齊 五月公至自齊 六月公

孫歸父如齊 葬齊惠公

書公如齊見公不奔天王之喪而奔齊之喪書歸父如齊葬齊

惠公見公不會天王之葬而會齊之葬無王甚矣程端學本義引胡銓

宣十年夏齊侯元卒冬齊侯使國佐來聘

成四年春鄭伯堅卒冬鄭伯伐許

定三年春邾子穿卒冬邾子盟于拔

葉氏顧氏說見嗣君未踰年書曾非禮門總論

宣十年夏齊侯元卒公如齊公孫歸父如齊葬齊惠公秋季孫行父如齊冬歸父再如齊齊侯使國佐來聘

戴說見齊來聘

宣十年公孫歸父如齊葬齊惠公秋又帥師伐邾取繹冬又如齊十一年又會齊伐莒十四年又會齊侯于穀十五年又會楚子于宋十八年如晉還自晉奔齊 成元年滅孫許及晉侯盟赤棘二年季孫行父等會晉及齊戰于鞏 成十四年叔孫僖如如齊逆女十五年會鍾離十六年出奔齊

張氏說見魯政下逮門宣十宣十八成十四

宣十年公孫歸父帥師伐邾取繹 十一年又會齊人伐莒 十

四年又會齊侯于穀 十五年又會楚子于宋

汪氏說見魯政下逮門宣十一

宣十年秋大水 冬饑 十五年秋彘 冬螽生饑

張氏說見災異門十五年饑

宣十年秋季孫行父如齊 冬公孫歸父如齊

胡氏說見內大夫書如門

宣十年冬饑 十五年冬饑

趙氏胡氏張氏說見災異門

宣十年楚子伐鄭

十一年入陳

十三年圍鄭滅蕭

十四年伐宋

十四年圍宋

李氏說見書楚門宣十三

宣十一年夏楚子陳侯鄭伯盟辰陵冬楚子入陳十二年春楚子

圍鄭

張氏說見晉楚爭盟門圍鄭

宣十一年冬十月楚人殺陳夏徵舒丁亥楚子入陳納公孫甯儀
行父子陳

所謂討賊者仗義而往奉辭而伐誅其人定其國而去之已無
所利焉是之謂討今楚莊聽孔甯儀行父之邪謀以詐而襲陳
以利而出師縣其土不能得則納其首禍之人始乎詐終乎悖
春秋書殺書八書納不與楚以討賊之義也楚莊有意爲陳討
賊卽辰陵之會召徵舒而戮之陳無事矣乃於旣盟之後遽興
掩襲之師入陳而遂縣之仗義以濟利假信以行詐春秋之所
甚惡也是役也楚以諸侯之師伐陳春秋不書楚人伐陳直書
楚人殺陳夏徵舒言徵舒不待兵而可取也繼書楚子入陳言

徵舒已死楚猶入陳其志不在徵舒也又繼書納甯行父子陳
言其黨惡崇姦以亂濟亂也

家鉉翁詳說

○楚子殺徵舒若能誅賊

而出于正者由納二臣觀之楚子殺徵舒正爲二臣殺之非爲

討賊殺也楚子之情於是不能逃矣

高問集注

○陳有弑君之賊天

子諸侯與陳之臣子不能討而蠻夷討之據跡而觀人情所許

也然視其所以者當觀其所由楚莊之殺徵舒似義而其心之

所由來者非義經書楚殺徵舒於前書入陳納甯行父於後蓋

不待察其微而其心之所由來者顯矣

程端學本義

○楚之入陳聽

公孫甯儀行父之訴志在納二臣也陳既受盟逾時而即以兵

臨之欺其不備以爲必得陳之計也春秋書入陳于殺徵舒之

後書納二臣于入陳之後所以著伐已服納亂臣之私

張自超宗朱辨

義○張說

又見書入 ○殺徵舒已書于前則入陳爲納二子而已經書甚

明羅喻美

野編

○二子導君於淫以致弑亡之禍宜爲陳人所不容

而楚子納之是以討賊始而以納姦終也比而觀之楚子之功

罪彰矣

牛運

○未入國而先討賊不可謂非動於義既討賊而

復入國不可謂非動于貪一公一私瞭如矣

高澗然

釋經 ○繼入書

納則知二子召楚師以求復也又知楚藉二子以堅其服也 又

○孫氏說見書入門黃氏汪氏說見書納門

宣十一年楚人殺陳夏徵舒楚子入陳

程氏朱氏說見書楚門方氏張氏說見稱人以殺討賊之辭辨

門郝氏說並見兩門

宣十二年春楚子圍鄭 夏晉及楚戰于邲

王氏介之說見書圍

宣十二年晉楚戰邲晉師敗績 哀十二年齊吳戰艾陵齊師敗績

直解說見外兵書敗績總論

宣十二年晉宋衛曹同盟清邱宋伐陳衛救陳

胡程張說見晉楚爭盟門

宣十四年冬公孫歸父會齊侯于穀 十五年春公孫歸父會楚子于宋

趙嚴張說見內特會門

宣十五年公孫歸父會楚子于宋 昭九年叔弓會楚子于陳

李說見晉楚爭盟宣十五

宣十五年公孫歸父會楚子于宋 成二年会楚公子嬰齊于蜀 戴氏說見晉楚爭盟門成二年

宣十五年宋及楚平 晉霸 昭七年暨齊平 益衰 定十年及齊平十

一年及鄭平 晉失

惠氏說見書平總論

宣十五年王札子殺召伯毛伯 昭八年陳侯之弟招殺陳世子
偃師 十三年楚公子棄疾殺公子比

方氏說見大夫相殺總論

宣十年十五年書饑饉二十四年書大饑

桓三年書有年宣十六年書大有年

戴岷隱說見災異門大有年

宣十五年初稅畝 成元年作邱甲 哀十二年用田賦

曰講說見田賦門哀十二

宣十六年鄭伯姬來歸 成五年杞叔姬來歸

文十四年齊人來歸子叔姬

胡杜張劉說見內女外適門書來歸文十四

宣十八年秋公孫歸父如晉 冬公薨歸父還自晉至筮遂奔齊

家氏說見季氏專魯門

成襄以後書宋華氏向氏專政亂國事 昭定之間書宋樂氏及

羣公子專政亂國事

沈氏榘論見宋衛亂臣總論

成公之初季孫行父盟晉聘晉會晉戰齊以後季氏常結于晉

成十五年宋華元奔晉又會于鍾離以後華氏常結于晉

襄二十七年宋向戌會于宋以後向氏常結于晉

成三年衛孫良夫會戰鞏七年林父奔晉以後孫氏常結于晉

家氏說見宋衛亂臣總論

成二年魯四卿戰鞏 六年二卿侵宋 昭十年三卿伐莒 定

八年二卿侵衛 哀二年三卿伐邾

顧氏奎光說見魯政下逮門成一

成二年取汶陽田八年晉侯使韓穿來言汶陽之田歸之于齊

石氏汪氏說見內取田門成一

成三年鄭公子去疾伐許四年鄭伯伐許九年鄭人圍許十四年鄭公子喜伐許十五年許遷于葉

高氏張氏說見爭許門成十五

成三年夏鄭公子棄疾帥師伐許 冬鄭伐許 四年春鄭伯堅卒 冬鄭伯伐許

鄭三伐許罪自見矣况居喪乎

程端學本義

成三年叔孫僑如帥師圍棘 昭十三年叔弓帥師圍費 定十年叔孫州仇仲孫何忌帥師圍郟 定十二年公圍成

程引葉說見內邑書圍總論

成三年冬晉侯使荀庚來聘衛侯使孫良夫來聘丙午及荀庚盟
丁未及孫良夫盟

章氏潢說見日月褒貶辨總論

成三年冬晉侯使荀庚來聘衛侯使孫良夫來聘
襄元年冬衛侯使公孫剽來聘晉侯使荀鞮來聘

晉衛聘魯如荀庚孫良夫公孫剽荀鞮春秋皆兩事比書以著
魯之事晉衛居其間亦以著衛助晉伯之堅也

張自超宗
朱辨義

成四年宋華元來聘 五年仲孫蔑如宋 魯宋同盟蟲牢 六
年仲孫蔑叔孫僑如帥師侵宋

直解說見宋魯交兵門成六

成五年仲孫蔑如宋 六年仲孫蔑叔孫僑如帥師侵宋

注說見內大夫書如門聘宋

成五年十一月天王崩十二月諸侯同盟蟲牢

襄元年九月天王崩邾子來朝衛晉來聘

襄二十八年十二月天王崩二十九年春王正月公在楚

汪氏說見天王崩葬門成五

成六年衛孫良夫帥師侵宋 仲孫蔑叔孫僑如帥師侵宋

家氏說見書侵門

成七年衛孫林父

年十五

宋華元

襄二十七

衛鱄

二十

衛石惡皆出奔晉

成十年宋魚石

襄二十

蔡公子履陳黃

二十四

陳鍼宜咎皆出奔楚

趙木訥說見大夫出奔總論張氏方氏說見陳黃條下

成七年衛孫林父出奔晉十四年衛孫林父自晉歸于衛襄十四

年衛孫林父會于戚二十六年衛孫林父入于戚以叛

昭二十年宋華亥

等

出奔陳二十一年宋華亥

等

自陳入于朱南

里以叛二十二年春宋華亥等自宋南里出奔楚

衛孫宿逐其君而叛恃晉主之也宋華向劫其君而叛恃楚主之也逆無黨莫濟其逆姦無朋莫容其姦春秋於朋姦黨逆之罪尤嚴方宋三大夫奔陳以陳乃楚所封奔之可得楚助釋君而臣是助太宰犯既以諫楚子亢不喪以獎亂人未又以拒遣越使無楚主之何至跋扈猖獗出入國都如入無人之境哉始

書奔陳繼書自陳入又書出奔楚其入也有所助其出也有所

受深討主叛之罪也叛臣莫或主之庶不敢輕動於惡

洪咨夔春秋說

成七年冬衛林父出奔晉 十四年夏自晉歸于衛 十五年冬

會鍾離 襄二二年秋會戚 冬再會戚 五年夏會吳于善道

七年冬來聘及盟 十四年夏衛侯出奔齊

自成七年書林父出奔晉十四年書孫林父自晉歸于衛又見

於鍾離善道之會又來聘而遂盟而終之以衛侯出奔則權臣

逆命晉厲黨惡皆可爲後世鑒

程端學本義

成七年吳入州來 昭十三年吳滅州來 二十三年吳敗六國

于雞父 二十四年吳滅巢 三十年吳滅徐 定四年吳入郢

成七殿朱說昭廿三顧說四廿四胡洪說三廿三黃說並見吳楚交兵門

成人年宋公使公孫壽來納幣九年伯姬歸于宋衛晉齊三國來

媵季孫行父如宋致女

張氏自超謂志五國邦交之合也說見內女外適門

成八年冬晉侯使士燮來聘叔孫僑如會晉士燮齊人邾人伐邾

晉欲伐邾而聘魯知邾爲魯之昏媾也伯姬雖來歸魯與邾之

好未絕也然晉聘於魯而伐魯所與之國魯屈於晉而從晉以

伐己所與之國晉之強魯之懦皆見使上不先書士燮來聘則

似魯以伯姬來歸之故有怒於邾而伐邾出於魯志矣

張自超宗未辨

義

○魯於晉靡役不從何必先聘而後會伐蓋歸汶陽田于齊

二三其德諸侯皆有貳心故先遣變來道伐邾之意以嘗魯魯

請緩師微示不滿變設辭以恐動之遂連齊邾爲是役其志重

在於合齊魯而假邾以行也

洪杏蓀春秋說

成十三年春晉侯使卻錡來乞師三月公如京師夏五月公自京

師遂會晉侯等伐秦秋公至自伐秦

公爲伐秦故如京師也故曰晉乞師公如京師公自京師遂會

伐秦以惡之

呂本中集解引劉敞孫復

○上書晉乞師下書會晉伐秦則爲

晉可知

李廉會通

○上書公如京師明春秋以朝王爲重使不違於

禮而世道有所防下書公至自伐秦明諸侯爲伐秦而出使不

失其實而後人有所考

鄭玉闕疑

○書如不書朝著其慢也所以正

事君之義以如爲本事伐爲繼事嚴其防也所以存尊君之禮以伐秦致誅其意也所以明忠君之誠一事而三致意焉維大倫以詔後世其旨遠矣

御纂直解

○家氏孫氏徐氏牛氏張氏說

見尊王書法門高氏說見朝王門呂氏說見前僖二十八年葉氏說見書遂門王氏說見公至既

成十三年會伐秦曹伯廬卒于師十五年曹伯同盟于戚晉侯執曹伯歸于京師

張氏自超說見書執諸侯門

成十五年春公會晉侯衛侯鄭伯曹伯宋世子成齊國佐邾人同盟于戚晉侯執曹伯歸于京師

負芻之宜討已久而晉必使列於盟然後執使異日得藉以爲復國之本既執之後又不爲曹置君使負芻得以巧自爲謀是

知晉侯迫於諸侯之請國人之望不得不執初非誠於討惡今
之歸于京師乃爲異日歸自京師地也春秋書執於盟之後又
擊晉侯於盟執之間不以諸侯同執爲辭深探其心矣洪咨夔
春秋說

○張氏浚說見執諸侯門

成十五年宋魚石出奔楚十八年復入于彭城 襄二十二年晉樂

盈出奔楚二十二年復入于晉 三十年鄭良霄出奔許自許入于鄭

方氏說見書入門襄二十

成十 宋魚石奔楚昭二十 宋華亥向甯華定奔陳二十 又自宋南里

奔楚定 宋公之弟辰暨仲佗石彊奔陳

陳氏汪氏高氏說見大夫出奔門成十五

成十五年會吳鍾離襄五年夏魯衛會吳善道秋諸侯會吳入于

戚十年會吳于柤

會戚許張直解說會祖趙卓張陳冀纂說見晉楚爭盟門

成十五年晉會吳鍾離 襄三年楚嬰齊伐吳

襄十四年晉會吳于相 十四年楚公子貞伐吳

趙氏說見吳楚交兵門襄三年十四年

成十六年秋晉會沙隨不見公執季孫行父舍之于茗邱叔孫僂如出奔齊季孫行父及晉卻犇盟于扈公至自會刺公子偃

家氏說見季氏專齊門○魯君臣久稽於外以僂如之譖也今

僂如之譖既敗不遂而奔故晉釋行父而盟之公歸而刺僂如

僂如之黨也則公之不見與行父之執皆僂如之譖明矣經文

情狀昭然趙鵬飛經筵

成十六年會沙隨不見公 經有執行僂如出奔刺公子偃之文

昭十三年盟平邱公不與盟 前後有如晉等語乃復劫意如之文

張氏方氏說見書不見公不與盟門

成十六年會沙隨不見公晉執季孫行父 昭十三年盟平邱公
不與盟晉執季孫意如

汪說見執大夫門昭十三方葉說見季氏專魯門昭十三

成十七年王臣會伐鄭三 定四年王臣會侵楚

趙子常說見王臣會伐總論

成十八年襄三年四書公如晉

汪說見公如門襄八

成十八年春公如晉夏公至自晉晉侯使士匄來聘

洪氏說見晉來聘

成十八年襄元年八年十二年書晉來聘四

同上

成十八年夏楚子鄭伯伐宋魚石復入于彭城

楚鄭取未邑與未叛臣守之以逼宋其惡甚矣書楚鄭伐宋繼

書魚石之入以著其惡

疑問

成十八年冬齊崔杼盟虛打 襄元年夏齊崔杼次鄆 二年冬

齊崔杼會戚 二十四年秋齊崔杼帥師伐莒 二十五年春齊

崔杼帥師伐莒 夏齊崔杼弑其君光

胡氏銓說見大夫帥師門襄二十四○崔杼之弑其處心積慮

蓋二十有五年而後發其始也同盟于虛打代君而盟次于鄆

代君而會則專盟會之權矣其漸也會苟密而城虎牢其益恣

也帥師而伐莒伐魯則竊威福之柄矣一旦動於惡而人始知

其弑君不知其非一日之積也

崔端學本義

襄二年夏夫人姜氏薨 秋葬我小君齊姜 四年秋夫人嬀氏

薨 葬我小君定姒

家氏說見書夫人薨葬門襄二年

襄二年夏晉宋衛侵鄭冬會于戚遂城虎牢 十年秋會伐鄭冬
成鄭虎牢楚公子貞帥師救鄭

張氏自超說見邑繫國不繫國門襄二

襄二年夏晉師宋師衛甯殖侵鄭 秋冬衛孫林父再會于戚
五年夏林父會吳于善道 七年冬林父來聘及林父盟 十四
年夏衛侯出奔齊

衛衍出奔逐君之賊未有主名故於前後因事以著甯殖孫林
父使讀者知二人之專師專會而衛衍之所以出奔者罪有所

歸也

張自超宗
朱辨義

襄二年秋會于戚 冬再會于戚遂城虎牢

晉悼老成持重謀定事舉書再會戚以見成謀之定遂城虎牢
以見集事之速

洪咨夔
春秋說

襄二年列國大夫兩會戚十四年會向又會戚又會伐秦

二年會戚張說會向陳謝說十四年會戚戴說會淇梁胡傳見
伯國大夫主會盟門

襄三年至

八年 四書公如晉襄

二十昭

二年三書公如晉

襄昭問書

大夫如晉九

直解說見公如門襄二十一

襄三年鄭伯同盟雞澤十年秋十一年

夏

三伐鄭會于蕭魚

張說見晉楚爭盟襄十年

襄三年六月公會單子晉侯

等

巳未同盟雞澤陳袁僑如會戊寅

叔孫豹及諸侯之大夫及陳袁僑盟

章說見日月襄貶辨總論

襄三年夏盟雞澤陳侯使袁僑如會 四年冬陳人圍頓 五年冬楚伐陳會救陳 七年冬會于鄆陳侯逃歸

陳成公背楚從晉聽命于會知所嚮矣至哀公乃與圍頓之師挑楚人之怒及會于鄆諸侯方急陳而又效匹夫之事脫身逃去其舉不中禮甚矣書如會見其背楚從晉書圍頓見其無故而怒楚書逃歸則又背晉而從楚矣君子不滿於哀焉

劉其誠意伯集

○盟雞澤趙謝說會鄆直解張姜說見晉楚爭盟門

襄四年叔孫豹帥世子巫如晉 鄆人會于戚 六年莒人滅鄆 程氏說見書滅

襄五年會戚列吳 十年會柤殊吳 哀十三年黃池書會及 高說見殊會門哀十三

襄五年十有二月季孫行父卒六年冬季孫宿如晉 十九年八月仲孫蔑卒二十年正月仲孫速會莒人盟于向 二十三年八月仲孫速卒二十四年春仲孫羯帥師侵齊

古者臣有大喪君三年不呼其門已則或殯或葬或卒哭而治事君迫以金革之事必不得已則既練而行之今此三臣者皆未練而從政又皆代其父爲卿非迫於時君之命亦非悉有金革之事是所謂以喪從利者是所謂世卿者乘弱君執國命並時相踵而世不以爲非

張大亨
通訓

襄七年城費 十五年季孫宿叔孫豹帥師城成郛

顧氏說見魯政下逮門襄十五

襄七年夏城費 昭十三年春叔弓帥師圍費 定十二年夏季孫斯仲孫何忌帥師墮費

襄十五年季孫宿叔孫豹帥師城成郛

昭二十六年而書公園成

汪李說見城築門襄七程本義說見謹強都之害門定十二

襄七年城費 昭十三年叔弓帥師圍費 定十二年季孫斯仲

孫何忌帥師墮費

季孫宿無故役民城費不過欲強私邑以弱公室也豈意至於
意如而南蒯據之以叛叔弓帥師圍之有如敵國其效豈不深
切著明矣乎君子曰所惡於下毋以事上所惡於上毋以使下
觀季孫所爲可爲不能事君者之戒矣南氏之世爲費宰猶季
氏之世爲魯卿也南蒯之欲出季孫猶季氏之欲僭其君也國
卿動衆環而攻之向日之溝池雉堞反爲他人之守出爾反爾
不可誣也書城費於襄之世又書圍費於昭之世屬詞比事原
始知其終矣

劉基誠
意伯集

○襄七朱氏說定十二程郝說張氏尚瑗

說見謹強都之害門

襄七年楚公子貞帥師圍陳公會晉侯等于鄆陳侯逃歸

季黃方姜說見爭陳門會鄆

襄八年至二十五年書莒伐我東鄆四圍邑一邾伐我南鄆二齊

伐我北鄆七圍邑四

葉氏說見內被兵總論

襄八年莒伐我東鄆十二年又圍台十四年侵我十六年會溴梁晉

執莒子二十仲孫速會莒盟于向

八年十二年張氏十四年趙氏二十年直解張氏說見莒魯交兵

襄八年鄭人侵蔡 十一年鄭公孫舍之侵宋

張氏說見爭鄆門襄十一

宣十年夏楚公子貞鄭公孫輒伐宋 秋會伐鄭成鄭虎牢 十

一年夏鄭公孫舍之侵宋 會伐鄭同盟亳城北 秋楚子鄭伯

伐宋 會伐鄭會蕭魚

童氏說見爭鄭門盟亳北

襄十年盜殺鄭三卿 昭二十年盜殺衛鞅 哀四年盜弑蔡侯申

方氏說見書盜總論

襄十年盜殺鄭三卿

哀四年盜弑蔡侯申

十三年盜殺陳夏區夫

不書其君其大夫孔疏見盜殺門襄十

襄十一年楚執鄭行人良霄 十八年晉執衛行人石買 昭八

年楚執殺陳行人于徵師 二十三年晉執我行人叔孫婁 定

六年晉執宋行人樂祁犁 七年齊執衛行人北宮結

書行人趙氏葉氏說見書執大夫總論

襄十二年冬公如晉 十二年公至自晉

見公在外不朝正於廟也

高閔
味注

襄十四年夏衛侯出奔齊 冬衛孫林父會戚 二十六年春衛

甯喜弑其君剽 衛孫林父入于戚以叛 衛侯衍復歸于衛

衍之出下書林父之會盟衍之歸上書林父之叛則知當國逐

君者爲孫甯而係爲首惡矣

方苞
直解

○春秋之義常以上下比事

而見始也書衛侯出奔繼書會于戚而孫林父在焉則知爲強

臣所逐矣終也書甯喜弑剽孫林父叛繼書衛侯復歸則知復

歸之故山甯喜矣

王樵
輯傳

○上書衛侯出奔齊下書會孫林父于

戚則衛君之出于孫林父林父之謀定新君諸侯之釋君助臣

皆可知

錢祖晉
五測

○張氏說見晉卿專國門朱氏說見諸侯出奔

門襄十四年

襄十四年夏衛侯出奔齊 冬衛孫林父會于戚 十五年夏衛

甯殖會伐許

經雖不書出君者是冬林父會諸大夫於私邑則知以出君而求定於諸侯矣明年甯殖會伐許則知殖亦與之同罪矣

方苞直解

襄十五年至十八年書齊伐我六 十八年同圍齊

十五年李張說十八年許說直解說見齊魯交兵圍齊馬氏說見齊晉

交兵

襄十五年至十八年齊伐我六 十四年莒侵我一 十七年邾

伐我二

襄十八年同圍齊 十六年會淇梁晉執莒子二十年仲孫速會莒盟于向 十六年會淇梁十九年盟祝柯晉兩執邾子取邾田自鄆水二十年仲孫速帥師伐邾

張氏自超說見邾魯交兵門襄二十一年伐邾

襄十五年夏齊侯伐我北鄙圍成公救成至遇季孫宿叔孫豹

帥師城成郭

前書齊侯圍成公救成至遇言救之之緩而成爲齊所毀也此

書二大夫帥師城成郭城之於既毀之後也寇之未至也無先

事之備及其見圍救之又緩逮其去乃城之魯之所以自治其

國者於此可見矣

家鉉翁詳說

御纂方氏說見魯政下逮門

襄十六年兩書齊圍成

昭二十六年定十二年

兩書公圍成

李氏說見書圍門襄十五

襄十六年會淇梁晉人執莒子邾子以歸

執諸侯十有一惟此書以歸

昭十三年盟平邱晉人執季孫意如以歸

執大夫十有四惟此書以歸

方氏高氏說見書執諸侯門襄十六

襄十八年楚公子午帥師伐鄭二十四年楚子蔡侯陳侯許男

伐鄭 二十六年楚子蔡侯陳侯伐鄭

日講說見爭鄭門襄二十六

襄十九年晉人執邾子公至自伐齊取邾田自瀋水季孫宿如晉書邾田明非魯之舊也書自瀋水明其取之多也公至而後取田是魯獨取之非諸侯之罪也取田而後宿如晉是取田爲重拜師爲輕也詳書之而魯之徇利可見矣

朱朝瑛
畧記

襄十九年取邾田自瀋水 哀二年伐邾取瀋東田及沂西田

師氏說見內取田門哀二

襄十九年秋齊殺其大夫高厚 二十五年夏齊崔杼弑其君光
哀六年夏齊國夏及高張來奔 秋齊陳乞弑其君荼

陳氏說見後卷五十七哀六年

襄二十一年公如晉邾庶其以漆闕邱來奔 昭五年公如晉莒

牟夷以牟婁及防茲來奔 三十一年公在乾侯黑肱以濫來奔

黃氏說見以邑叛門襄二十一年余氏說見季氏專魯門昭五

襄二十一年秋晉欒盈出奔楚 冬會于商任 二十二年冬會

于沙隨二十三年冬晉人殺欒盈

欒盈之罪不及於國而范氏之怒本以其私至於勤諸侯作盟會以錮之盈得衆心而外不容於諸侯內不復其國邑逆亂之誅自是而作葢疾之已甚之過也自古操國者依勢作威倚法以削鮮不蔽此如漢王允不赦郭汜唐盧攜不容黃巢其禍變之極至於天下板蕩而不可復抹可不慎乎

張大亨通訓

○賀說二

條馬氏姜氏說見晉卿專園門襄二十一

襄二十三年春杞伯句卒夏葬杞孝公 昭五年秋秦伯卒六年

春葬秦景公

姜氏說見外諸侯卒葬門昭五

襄二十三年陳殺其大夫慶虎及慶寅陳侯之弟黃自楚歸于陳

公子黃愬二慶於楚楚人召之慶氏叛楚圍陳而陳殺二慶比

事書之則二慶見殺之由可見矣

趙汭集傳

襄二十三年叔孫豹帥師救晉次于雍榆 十五年公救成至遇

胡傳見書救總論

襄二十 叔孫豹救晉

諸侯救伯主

哀七

年鄭駟宏救曹

諸侯自相救

哀十 吳救

陳夷狄救

中國

趙氏金鎖匙說見書救總論

襄二十三年晉人殺欒盈三十年鄭人殺良霄 不書大夫

殺欒盈公羊傳彙纂案殺良霄胡傳葉說見稱人討賊之辭辨

門郝氏孫氏說見殺不書大夫門兩條下

襄二十五年夏齊崔杼弑其君光公會晉侯宋公衛侯鄭伯曹伯莒子邾子滕子薛伯杞伯小邾子于夷儀秋諸侯同盟于重邱

晉伐齊齊弑莊公以求成晉許之同盟于重邱弑君惡之大者

晉不能討賊定亂宜乎大夫日熾不可制也故先書崔杼之弑

以著其惡

孫復傳王發微

○晉再會諸侯于夷儀將以伐齊也晉之再

謀伐齊者齊搆叛臣亂晉因以伐晉而取朝歌也欲報朝歌再

會夷儀而不克伐者齊以莊公之弑悅晉以納賄請成也朝歌

之怨可以不報弑君之賊不可以不討乃爲報怨而來反見弑

君而去是十二國之諸侯爲晉討叛侯而崔杼之弑君亦爲晉

誅叛侯矣天理王法至此不且漸滅殆盡哉故春秋書崔杼弑

君於前書同盟重邱於後事不可掩而罪無所逃矣

張自超宗朱辨義

襄二十五年秋衛侯入于夷儀 二十六年春衛甯喜弑其君剽

哀六年秋齊陽生入于齊齊陳乞弑其君荼

陳說見弑君門哀六○喜爲衛獻弑剽乞爲陽生弑荼春秋書

弑賊雖其人不自爲必以禍所從發爲之所以誅其意姚舜牧疑問

襄二十五年秋衛侯入于夷儀 二十六年春王二月辛卯衛甯

喜弑其君剽 衛孫林父入于戚以叛甲午衛侯衍復歸于衛

獻公之奔林父逐之甯喜弑剽以納獻故林父懼而叛先言辛

卯剽弑後言甲午衍歸見衍待弑而歸也衍前年入于夷儀今

剽弑四日而復歸此待弑而歸可知也孫復尊王發微○林父之逐君

也春秋書衛侯出奔而逐君未有主名此於甯喜弑剽之後衛

衍復歸之前書林父入戚以叛而後林父逐君之罪并著矣不

然二月辛卯剽弑越四日甲午衍歸林父卽倉猝如戚而叛之

形未著使旣書衛衍歸衛而後書林父以戚叛則或疑林父以

他故不悅於衍衍迫之以叛而不見逐衍之爲林父矣惟書叛于剽甫弑衍未歸之間而後可以知衍之出林父出之剽之立林父立之治林父之叛衛并以治林父之逐君也

張自超宗朱辨義

○

剽者孫甯之所私立衍者孫甯之所同逐殺其所私不得辭弑背其所逐不得辭叛所謂亂臣賊子無所容於天地之間也

仲賀

軾歸義

○經於甯喜書弑君於孫林父書叛所以正其臣於衛侯

先書出奔以明其自取後書復歸以明剽之篡所以正其君四者立而君臣大義昭然矣

趙佑雜案

○王氏說見前十四年

襄二十五年六月鄭公孫舍之帥師入陳冬鄭公孫夏帥師伐陳張氏說見書伐門

襄二十六年衛甯喜弑其君剽衛孫林父入于戚以叛衛侯衍復歸于衛公會晉人等于澶淵晉人執衛甯喜

趙張說見晉楚爭盟門會澶淵趙郝直解說見執大夫門

襄二十六年春衛甯喜弑其君剽 二十七年夏衛殺其大夫甯喜

剽非正也而喜以爲君是其君也不得以反正之辭與之喜賊

也而衍以爲臣是其大夫也不得以討賊之辭與之李光地榕村語錄

襄二十九年仲孫錫會晉荀偃等 城杞 昭三十二年仲孫何忌

會晉韓不信等 城成周

張說見晉楚爭盟門城成周李說見外城門城成周

襄二十九年夏仲孫錫會晉荀偃等 城杞 晉侯使士鞅來聘

杞子來盟

來聘役城杞且使我歸杞田也晉使魯歸田故書杞子來盟於

士鞅來聘之下高闕集注 〇城杞之下書來聘來盟私親之意著李

會通見昭三十 〇以公使人者無私感之情以公愛人者無私廉

報之禮晉主夏盟諸侯所當聽役也然用諸侯之力以興天下
 之利則諸侯不以爲惠而晉亦不以爲賜今率諸侯以城其母
 黨之國則使人實私惟私於使人而中有所不安既用其力則
 不能無感於心故士鞅來聘焉杞以先代之後諸侯所當恤也
 然使其誠逢患難急在朝夕則諸侯恤之所宜先而杞侯亦有
 所不必報今杞無患晉侯以己之威率諸大夫城之則愛人爲
 私惟以私愛之則杞不得無報於人故杞子來盟焉書城書聘
 書盟而公私之情見矣趙聘飛經筵○伯主以天下私其親故命使
 施禮爲可節而屈身要信爲可賤也既城之後士鞅來聘拜城
 杞子又來盟拜田此事以觀則其以不義動人而有不慊於心
 可知矣劉基誠意伯集

襄二十九年吳子使札來聘 定四年蔡侯以吳子及楚人戰

哀十三年公會晉侯及吳子于黃池

呂氏說見書吳總論

襄三十年夏蔡世子般弒其君固冬葬蔡景公

昭十九年夏許世子止弒其君買冬葬許悼公

高氏說見書弒門昭十九

襄三十年夏蔡世子般弒其君固冬葬蔡景公

張氏說見外諸侯卒葬門

襄三十年五月宋災宋伯姬卒秋叔弓如宋葬宋共姬

張氏說見內女卒葬門

成十二年周公出奔晉 襄三十年王子瑕奔晉 昭二十六年

尹氏召伯毛伯以王子朝奔楚

沈氏說見王子王臣出奔總論

莊三十二年八月公薨十月子般卒 文十八年二月公薨十月子卒 襄三十一年六月公薨九月子野卒

趙氏說見季氏專魯門襄三十一

昭元年書陳公子招會弒八年書陳侯之弟招殺陳世子又書楚執陳公子招放于越

穀梁義張氏方氏說見書諸侯弟兄門昭八

昭元年秋莒去疾自齊入于莒莒展與出奔吳

書去疾入而展與奔即知展與爲篡弒之賊而去疾能討賊也然書去疾入于前而書展與奔于後又以知去疾不急于討賊而終佚賊也

萬斯大隨筆

昭二年冬公如晉至河乃復 十二年夏公如晉至河乃復 十三年冬公如晉至河乃復 二十一年冬公如晉至河乃復 二

二十八年冬公如晉至河有疾乃復 二十八年春公如晉次于乾侯
二十九年春公如晉次于乾侯

昭公五書如晉而復傷其見拒於晉也兩書如晉次乾侯傷其
不得入于晉也書至猶不失其國也書次則止於是無可復之

道矣

凌稚隆測義引王葆

○昭二年葉說二十二年牛說見公如書復門

昭二年方顧說二十三年家氏說見季氏專魯門

昭二年冬公如晉至河乃復季孫宿如晉

穀梁公如晉而不得入季孫宿如晉而得入惡季孫宿也○公

如晉而距之季孫如晉而納之是明公季孫之不若也而晉侯

之惡亦見

孫復尊王發微

○書公如晉至河乃復季孫宿如晉而昭公

失國之因季氏逐君之漸晉人下比之迹皆見矣

胡傳

○晉人飾

詞以非仇儻辭公而季孫往致襍服則受之是重在季孫之來

不以公至爲重也比書其事晉人抑揚之意見矣

葉酉
究遺

昭公之編書大雩七大雨雹二星孛一日食六地震二一鸛鳴來一
胡傳見災異雩早門昭二十五

昭七年三月公如楚九月公至自楚

見朝夷狄之國閱七月之久也

章廣圖
書編

昭八年春陳侯之弟招殺陳世子偃師 夏陳侯溺卒 楚人執
陳行人于徵師殺之 陳公子畱出奔鄭 陳人殺其大夫公子
過 冬楚師滅陳執陳公子招放之于越殺陳孔奐

陳人作亂罪在一招楚不能討而縱之于越于徵師何罪而以
爲首級乎蓋楚靈因陳亂以爲利賊殺不辜欲以震怖陳國殺
人以行其計者也春秋先書招之罪繼書于徵師之死繼書孔
奐之死言當討者縱無罪者死也過與招同爲亂招其首也既

正招首惡之罪復正過同爲亂之罪乃爲從者死而爲首者放

著失刑也

家鉉公詳說

○家氏說又見爭陳門○楚之討陳以招之

殺偃師也招之殺偃師以陳侯之欲廢立也覆宗之禍起于內

嬖奉吳之師由於奪嫡然則非楚之能滅陳也陳自滅爾

余傑學彙

測

○夏徵舒之亂楚莊誅其惡反其君得討罪之禮故先書楚

人殺陳夏徵舒後書楚子八陳公子招之亂靈王縣其國絕其

祀因人之禍而利焉故先書楚師滅陳後書放招殺孔與

徐庭垣管

窺

○討罪乃放其首惡而殺其黨失刑也先書滅陳楚之志惟

在滅陳而已矣

顧棟高刑賞表引華氏說

○繼殺世子書陳侯卒知陳侯罪

寵畱屬招而並無意於殺世子招妄意殺之其迹明矣陳世服

楚立君必告而楚怒殺其使故畱懼而奔畱稱公子對上世子

言殺者世子奔者公子而殺嫡立庶之迹著矣二公子經書各

異招目弟過目大夫則知留爲奪嫡之公子矣留奔於殺徵師
後又知留之奔懼楚非懼招招之殺世子立留非自立矣高澍然釋
經 ○張氏說見繁詞門

昭八年冬楚師滅陳 葬陳哀公 九年春叔弓會楚子于陳
楚子葬之也不書者互見也上書楚滅陳下書楚子在陳郝懿行
畧

昭八年楚師滅陳執招殺孫 九年叔弓會楚子于陳

張氏說見書楚門

昭八年秋蒐于紅十一年夏大蒐于比蒲二十一年春大蒐于昌間

諸說見魯政下逮門季氏專魯門

昭十一年夏楚子虔誘蔡侯般殺之于申 楚公子棄疾帥師圍
蔡 冬楚師滅蔡執蔡世子有以歸用之

楚虔誘殺蔡般圍蔡八月既滅而虐用其世子嗚呼滅國者有矣未有若是之酷者聖人書誘書殺書圍書滅書用之極楚之誅所以傷中國也

趙鵬飛經筵

昭十一年夏四月丁巳楚子虔誘蔡侯般殺之于申 楚公子棄疾帥師圍蔡 秋季孫意如會晉韓起齊國弱宋華亥衛北宮佗鄭罕虎曹人杞人于厥憇 冬十有一月丁酉楚師滅蔡執蔡世子有以歸用之

上書誘殺蔡侯下書圍蔡著其志在滅國不在討賊也上書會厥憇下書滅蔡罪諸侯也

姚舜牧疑問

○師氏說見書滅門會厥憇

庄說見不書救門圍蔡張說見晉楚爭盟門又見楚滅蔡門

昭十一年楚滅蔡 十三年蔡侯廬歸于蔡 二十一年蔡侯朱出奔楚 二十三年蔡侯東國卒于楚

昭二十一年洪氏說二十三年家氏說見楚滅蔡門

昭十三年叔弓帥師圍費

不書南
蒯叛

定九年盜竊寶玉大弓

不書
陽虎

叛

定十年叔孫州仇仲孫何忌帥師圍郕

不書侯
犯叛

昭十三方氏毛氏定九方氏定十程氏說見內叛不書門

昭十三年夏楚公子比自晉歸于楚弑其君虔于乾谿 楚公子

棄疾殺公子比

先書公子比弑君後書棄疾殺比則棄疾謀弑而假比以爲之

驅除不可掩矣

程端學本義
引王賈道

○比不能守死不立而爲棄疾之

所脅則比立于楚而虔不得不縊于乾谿矣書曰楚公子比自

晉歸于楚弑其君虔于乾谿著虔之所以縊由比之立也然棄

疾豈誠欲立比哉以己幼次於比非先立比不足以服國人故

晉立比以逼之書曰楚公子棄疾殺公子比著比之自殺由棄

疾之謀也

疑問 姚舜牧

○先言歸後言弑孫說見書歸門姜張高說

愚按見書弑門

昭十三年秋會平邱公不與盟晉人執季孫意如以歸冬公如晉至河乃復十四年春意如至自晉

書公如晉至河乃復繼書意如至自晉見魯君與意如相出入

於晉也傳謂意如譖其君使不得遂於晉此其實也

家鉉翁詳說

昭十四年秋莒子去疾卒冬莒殺其公子意恢

家氏說見書殺門

昭十五年冬公如晉十六年夏公至自晉

成公七月如晉三月至襄公十一月如楚五月至皆以送葬而留公此行往返久涉謂以邾莒之事止公既釋季孫不應復以爲公罪蓋晉君幼弱六卿傲恣悠悠待公不省歲月之遷也晉

以悠悠待公而不恤其困魯以悠悠待公而不急其歸

洪咨夔春秋說

昭十七年春小邾子來朝 秋邾子來朝

公如晉如楚如宋如齊君臣轍無停歲而朝聘之自外至者無

幾君庸臣僭國勢日削宿交舊好望望不顧而小邾及鄭能相

繼朝魯不以盛衰強弱爲之變可不謂賢乎觀小邾穆公能答

賦邾子能對官名則皆嘗從事於學宜其知禮好義也

洪咨夔春秋說

昭十八年夏邾人入郕 十九年春宋公伐邾

繼邾入郕而書未伐邾與宋公之討罪也時晉已失霸強陵弱

大侵小莫之或禁邾最爾國間郕之不備襲其國執其君據有

其土晉不能治而未治之春秋以是褒

家鉉翁詳說

○季說見書入

昭十九年五月甲子地震 二十三年八月乙未地震

汪氏張氏說見災異本門

昭二十年冬宋華亥向甯華定出奔陳 二十一年夏宋華亥向甯華定自陳入于宋南里以叛 二十二年春宋華亥向甯華定自宋南里出奔楚

洪氏說見大夫以叛門

昭二十一年宋華亥向甯華定自陳入于宋南里以叛二十二年自宋南里出奔楚

定十一年宋公之弟辰等自陳入于蕭以叛十四年宋公之弟辰自蕭來奔

昭二十年曹公孫會自鄆出奔宋

汪氏顧氏高氏說見大夫出奔門昭二十

昭二十二年夏王室亂 劉子單子以王猛居于皇

不先言王室亂則劉單以王出不知其事之端而疑於大惡矣

故先書之

方苞直解

昭二十二年王室亂二十三年晉人圍邲二十五年晉會十一國大夫于黃父三十二年會城成周

會黃父高趙熊毛說城成周趙王說見晉伯餘燼門

昭二十三年天王居于狄泉尹氏立王子朝

於書天王居狄泉之下書尹氏立王子朝則天位既定而子朝之立爲篡分明可知矣天王之居狄泉爲子朝之黨所逐亦分明可知矣

張自起宗朱辨義

○曰天王居曰尹氏立一嫡二庶之辭也

戴祖啓五測

○宋無名氏說見書王室亂門

昭二十三年秋天王居于狄泉尹氏立王子朝二十六年冬天王入于成周尹氏召伯毛伯以王子朝奔楚

先書天王居于狄泉而後書立王子朝先書天王入于成周而

後書子朝奔楚者由嗣君不正故亂臣得以乘之及能反正然後罪人竄跡皆上之人有以召之也高閔集注○家氏在引王氏說見書王室亂門昭二十六

昭二十五年公孫于齊齊侯唁公于野井 二十九年公至自乾侯居于鄆齊侯使高張來唁公 三十一年晉侯使荀躒唁公于

乾侯

二十五年胡孫家高諸說二十九年胡汪張說三十一年孫說並見魯公出奔書唁門

昭二十五年秋齊侯唁公于野井 冬齊侯取鄆

書唁公則無仗義納公之心書取鄆則無奉公還魯之志病齊之飾小節而忘遠畧也余懋學繇測○唁公洪氏說公居于鄆謝氏

說見季氏專魯門

昭五年冬宋公佐卒于曲棘二十六年春葬宋元公二十七年冬曹伯午

卒二十八年春葬曹悼公二十八年夏鄭伯甯卒葬鄭定公 又秋滕子

甯卒冬葬滕悼公三十一年夏晉侯去疾卒秋葬晉頃公三十一年夏

薛伯毅卒秋葬薛獻公

顧氏高氏說見外諸侯卒葬門昭二十八年

昭二十五年齊侯取郕 三十二年公在乾侯取闕

吳氏說見內取內邑昭三十二條下

昭二十五年齊侯取郕 二十九年鄭潰 定六年季孫斯仲孫

忌帥師圍郕 十年齊人來歸郕謹龜陰田

齊取郕季說見外取內邑門圍郕高說見內邑書圍門

昭二十六年公會盟鄆陵公至自會居于郕二十七年兩書公如齊公至自

齊居于郕

張氏說見季氏專魯昭二十七日

昭二十六年冬天王入于成周 三十二年冬會城成周

顧氏說見書王室亂門李氏說見書外城門

昭二十七年冬公如齊公至自齊居于郕 二十八年春公如晉
次于乾侯 二十九年春公至自乾侯居于郕齊侯使高張來唁
公 公如晉次于乾侯

公以不見恤於齊而求晉晉以公安於齊不之納齊於魯甥舅
之國晉於魯同姓之邦魯之事兩大又皆有過無不及而患難
傾危曾不見恤晉於天王有難猶待告急而後動安能急魯邪
前之會扈謀納益其偽今之畱公境上則其情也公徘徊躑躅
越歲始返猿窮狼遠情狀畢見高張來唁唁其不受於晉也名
爲唁實擲揄之也公不堪其擲揄復投晉晉之不我受如故也

於是進退不能而終於乾侯矣晉齊之不義同而晉之黨臣拒

君其罪重於齊春秋直書其事著晉之惡至於此極也

洪杏菴春秋說

昭二十九年書公如晉次于乾侯 三十年至三十二年書公在

乾侯 季孫意如會晉荀躒于適歷 公薨于乾侯

陳氏說見季氏專魯門會適歷

昭三十一年春季孫意如會晉荀躒于適歷 夏晉侯使荀躒唁

公于乾侯

公孫于齊未知罪人之所在也晉侯使荀躒唁公而意如先會

荀躒于適歷則意如懼討要晉人阻其納公之迹顯然矣

方苞直解

○高氏童氏說見季氏專魯門孫氏說見出奔書唁門○荀躒

先會意如而後唁公晉定之失義猶之晉頃也晉臣之黨惡猶

之齊臣也

張目超宗朱辨義

昭三十二年吳伐越 定五年於越入吳

趙氏說見吳越交兵門昭三十二

昭三十二年十二月公薨于乾侯 定元年夏四月公之喪至自

乾侯戊辰公卽位 七月葬我君昭公

王氏樵說見卽位門定元年

昭三十二年十有二月己未公薨于乾侯 定元年夏六月癸亥

公之喪至自乾侯戊辰公卽位

昭公死于客殯而定公受國意如之情事顯然矣

顧棟高
偶筆

十一公不行卽位禮者仍書春王正月惟定公不書正月

趙氏屬辭說見卽位門定元年

定三年春邾子穿卒秋葬邾莊公冬仲孫何忌及邾子盟于拔

邾子卽位未踰年與魯大夫爲會迫於魯而出非獲己也書邾

人之喪繼以仲孫之盟責魯也

家鉉編
詳說

定四年春王二月陳侯吳卒三月陳子會召陵 六月葬陳惠公

見陳侯背殯出會也

高門
集注

定四年會召陵侵楚沈頓胡與會 是年蔡滅沈 十四年楚陳

滅頓 十五年楚滅胡

滅沈趙子常滅頓趙木訥滅胡諸說並見書滅

定四年會召陵盟皋鼈蔡滅沈六年鄭滅許

許氏說見書滅定六

定四年秋楚人圍蔡冬蔡以吳及楚戰吳入郢五年歸粟于蔡

汪引胡說見不書所會門定五程引石說見書歸物門

定四年晉士鞅衛孔圉帥師伐鮮虞 五年晉士鞅帥師圍鮮虞

未氏高氏說見晉卿專國門定五

定四年冬吳楚戰于柏舉楚師敗績楚囊瓦出奔鄭吳入郢

黃氏說見吳楚交兵門

定五年於越入吳

十年於越敗吳于檇李

哀二十年於越入吳

哀元年傳載吳敗越事不書

張氏說見吳越交兵門哀十四

定六年春鄭游速帥師滅許以許男斯歸

哀七年秋公伐邾以邾子益來

哀八年春宋公入曹以曹伯陽歸

自晉失霸後鄭虐許魯虐邾宋虐曹至滅之而後已無霸之害

如此高澍然釋經

定六年鄭滅許 哀八年宋入曹

顧氏說見爭許門總論

定六年鄭滅許 哀元年許從楚圍蔡

張氏顧氏說見爭許門

定六年公侵鄭八年公侵齊 十年及齊平十一年及鄭平

直解說見書平門定十一

定六年公侵鄭 八年再書公侵齊

六年俞說八年方說見魯政下逮門

定六年公侵鄭 八年季孫斯仲孫何忌帥師侵衛

張氏說見書侵門侵衛

定六年城中城 至 哀五年城毗曹城邑七

葉氏家氏說見魯城築門哀三

定七年齊侯衛侯盟于沙 九年齊侯衛侯次于五氏十三年齊侯衛侯次于垂葭十五年齊侯衛侯次于渠餘哀元年齊侯衛侯伐晉

李說見外特盟門定九年任說哀元年汪說見齊晉交兵門

定八年兩書齊國夏帥師伐我 八年兩書公侵齊

七年 日講說八年許氏說見齊魯交兵門

定七年齊侯鄭伯盟于鹹齊侯衛侯盟于沙八年衛侯鄭伯盟于
曲濮十年及齊平公會齊侯于夾谷齊衛鄭會于安甫十四年公
會齊侯衛侯于牽齊侯宋公會于洮

盟鹹許陳說盟沙張說會安甫家高說會洮家張說見外特參
盟會門會夾谷趙說見齊魯交兵門

定七年秋齊侯鄭伯盟于鹹 齊人執衛行人北宮結以侵衛
齊侯衛侯盟于沙 齊國夏帥師伐我西鄙 八年夏再伐

齊晉圖伯今日求之鄭明日求之衛強人從我疊書其事見其
無能爲也姚舜牧○家氏說見齊景爭霸門盟鄭衛又見齊魯

疑問

交兵門 七年伐我

定八年冬從祀先公 盜竊寶玉大弓

王氏夫之說見內祀門

定九年齊侯衛侯次于五氏十三年次于垂葭十五年次于渠條

嚴氏張氏說見書次門定九

定十年春及齊平 夏公會齊侯于夾谷

平以釋兩君之忿會以通二國之好既平矣而講好於壇坫是誠春秋之美事也昭七年暨齊平叔係媾如齊並盟定十一年及鄭平叔還如鄭並盟則是既平而加之以疑爾既平復疑何足言好哉今定公既及齊平而兩君會於夾谷禮也

趙鵬飛經筵

定十年夏公會齊侯于夾谷 齊人來歸鄆謹龜陰田

函鄆之役以二卿帥師而齊見伐侵齊之役以定公親帥而齊

猶見伐夾谷之會孔子雍容數語而齊權歸侵驍威重於三軍
利加於萬乘可見用師之不如用人而任勢之不如任理明矣

惜魯不終用孔子也

余懋學
盡謝

定十年

夏

兩書叔孫仲孫圍郕十二年叔孫墮郕季孫仲孫墮費

公圍成

章說直解說見魯政下逮門墮二邑條下方說見圍成條下

定十年夏叔孫州仇仲孫何忌帥師圍郕

秋再書

日講說見魯政下逮門

定十年宋樂大心出奔曹宋公子地出奔陳宋公之弟暨仲佗石
彊出奔陳

定十四年衛公叔戌來奔衛趙陽出奔宋衛北宮結來奔衛世子
蒯聩出奔宋衛公孟彊出奔鄭

張氏說見公子大夫出奔門定十四

定十年秋宋大心出奔曹宋公子地出奔陳 冬宋公之弟辰暨仲佗石彊出奔陳 十一年春宋公之弟辰及仲佗石彊公子地自陳入于蕭以叛 秋宋樂大心自曹入于蕭

春秋每於一國之事而再三書者深致意焉耳自此兩年間書宋事凡五見而大夫公子母弟奔者三春秋所以責景公也宋公以嬖臣暨子之故使其母弟公族一朝俱奔始終備書之不加貶斥而義自見矣

家鉉翁詳說

○宋景以樂溷之譖失樂大心以

向魍之嬖失公子地而一弟二卿皆隨之奔君不君也辰佗彊地大心之叛臣不臣也助寡而親戚叛窮乖而家人睽公之失道可知使辰于廷兄之小嫌能忍則奔叛大隙何自而成乎前連書出奔罪在公後特書及叛罪在辰佗彊地大心則從叛者

也陳曹則助叛者也

洪咨夔
春秋說

○觀春秋墨書而宋公之不能其

家國致其弟其臣出亡樂大心之乖覺奸詐公子地之忍棄其君辰之不善處兄弟之間忘君臣之義而忍爲叛仲佗石彊之

不勝爲大臣陳與曹之納亡助叛具見

疑舜牧
疑問

定十二年叔孫陞郈季孫仲孫陞費 公圍成公至自圍成

張說見公至門

定十二年夏衛公孟彊帥師伐曹 十三年夏衛公孟彊帥師伐

曹 十四年秋衛公孟彊出奔鄭

春秋歷書彊帥師而繼以出奔以見君假臣以兵權禍之所由

起也

程端學
本義

定十三年再書衛公孟彊帥師伐曹

家氏高氏說見書伐門

定十三年晉趙鞅入于晉陽以叛晉荀寅士吉射入于朝歌以叛晉趙鞅歸于晉

兩書叛張引李說洪朱說鞅書歸洪朱馬說並見晉卿專國門論趙鞅胡傳陳氏二王毛方說論荀范王張說並見以邑叛門胡邦衡陳願說見書歸門

定十四年春衛公叔戌來奔衛趙陽出奔宋 秋衛世子蒯瞶出奔宋

戌將去夫人之黨夫人愬之曰戌將爲亂衛侯逐戌併其黨衛靈不君南子不婦戌以宗國之老起而正之人臣欲正其君者必先自正其身今戌也怙富而驕素無國中之譽乃欲以正君自任事不濟而速禍宜也春秋書三大夫之奔所以著衛亂之所從始傳載蒯瞶謀殺南子事劉氏辨之是也蓋蒯瞶欲以野

外所聞爲其君告而輕淺不善爲謀反爲夫人所先以是而送書三大夫之奔遂書太子逐衛亂已成而靈公猶不悟其後子據國而抗其父臣稱兵以伐其君大亂幾亡可不懼哉

家鉉翁詳說

定十四年衛世子蒯瞶出奔宋 哀二年晉趙鞅帥師納衛世子蒯瞶于戚

出奔張氏高氏牛氏說書納 日講葉氏高氏說並見世子門定十四年大蒐于比蒲 邾子來會公

蒐無公會何也公會公知蒐亦有公也不書者公不與也

邾懿行說畧

定十四年秋大蒐于比蒲邾子來會公 十五年春邾子來朝

夏邾子來奔喪 哀元年冬仲孫何忌帥師伐邾 二年春季孫斯叔孫州仇仲孫何忌帥師伐邾取漕東田及沂西田叔孫州仇

仲孫何忌及邾子盟于句繹

邾魯不相爲下有自來矣今中國無霸諸侯擅兵魯之強家且將不利於邾故邾子來會復來朝未幾奔魯之喪其卑屈甚矣

而哀二年季氏卒興師夷其國春秋備書之責魯也家鉉翁詳說○

哀元年伐邾家氏說見大夫帥師門張氏說見魯政下逮門

定十五年邾來朝來奔喪 哀元年仲孫伐邾 二年三卿伐取

田二卿盟 三年二卿圍邾 六年仲孫伐邾 七年公伐邾以

邾子益來

定十五姚顛說哀元高氏二年石氏三年李氏六年高氏七年

薛氏說見邾魯交兵門又哀七方說見魯政下逮門直解說姜

氏洪氏說見季氏專魯門

定十五年姬氏卒葬定姬 哀十二年孟子卒

著季氏之罪說見夫人薨葬門定十五書魯夫人事門哀十二
定十五年冬城漆 哀元年冬仲孫何忌帥師伐邾 二年春季
孫斯等帥師伐邾 六年春城邾瑕 七年秋公伐邾入邾以邾
子益來

城漆而明年伐邾取其田城瑕而明年入邾虜其君漆則庶其
來奔我得而後城之瑕則我未取而徑城之強梁益甚

洪咨蘧
春秋說

哀元年冬仲孫何忌伐邾 二年春季孫斯叔孫州仇仲孫何忌
伐邾取田 三年冬叔孫仲孫圍邾 六年冬仲孫伐邾 七年

秋公伐邾入邾以邾子益來

哀六年冬宋向巢帥師伐曹 七年秋宋人圍曹 八年春宋公

入曹以曹伯陽歸

魯之於邾宋之於曹其必欲虜其君而牧其地一也故春秋不

以怨魯而以魯事宋事比書屢書以齊其罪

張自超宗朱辨義

哀元年仲孫何忌帥師伐邾 二年季孫斯叔孫州仇仲孫何忌帥師伐邾取邾東田及沂西田 三年叔孫州仇仲孫何忌帥師圍邾 六年仲孫何忌帥師伐邾 七年公伐邾入邾以邾子益來

方氏說見書八

哀二年三卿伐邾取田 二卿與邾子盟

家氏說見魯政下逮門

哀二年夏晉趙鞅帥師納衛世子蒯聵于戚 三年春齊國夏衛

石曼姑帥師圍戚

納戚父伐子也圍戚子拒父也父子之倫數矣兩書見衛之所為衛與晉齊之所為衛者皆罪也

疑辨義

○孔子曰必也正名

乎劓贖書衛世子此正名之義也曰于戚見衛人之弗納世子也曰圍戚見衛人之又助輒以拒也是皆不知正名之義者也

故春秋謹之

余懋學
懸測

哀二年冬蔡殺其大夫公子駟 三年秋蔡人放其大夫公孫獵
子吳 四年春盜弑蔡侯申

陳氏說見弑君門晉弑州蒲

襄二十九年闞弑吳子餘祭 哀四年盜弑蔡侯申

王氏說見書闞門總論

哀四年盜弑蔡侯申 十三年盜殺陳夏區夫

高氏說見書盜門哀十三

成十五年晉執曹伯歸于京師 僖二十八年晉執曹伯畀宋人

哀四年晉執戎蠻子赤歸于楚

陳氏岳高氏閔說見執書歸于門哀四

哀六年夏叔還會吳于祖 七年夏公會吳于郟 十年春公會

吳伐齊 十一年夏公會吳伐齊 十二年夏公會吳于橐皋

秋公會衛侯宋皇瑗于郟 十三年夏公會晉侯及吳子于黃池

趙氏鵬飛說見吳晉爭盟門哀十二馬氏說見魯政下逮門哀

十一會祖張氏說會鄆張氏湛氏直解說黃池呂氏說見中國

夷狄特參盟會門

哀七年秋公伐邾以邾于益來 八年春吳伐我 夏齊人取讎

及闞 歸邾子益于邾 冬齊人歸讎及闞

甚矣魯之不義而無謀也邾事魯甚恭乃無故伐之虐其民而

囚其君及吳見伐不能復邾而爲城下之盟及齊取邑請師而

始歸邾子能無字小之仁又乖事大之義

余應學

○三卿並將

取邾之田君自將虜邾之君至于陳恒弑君請討若弗聞也豈

非畏強陵弱惡之甚乎

胡銓春秋解

○先書吳伐我又書齊取二邑

然後書歸邾子於邾則是畏吳懼齊而歸之也又○按經書公

入邾以邾子益來繼書吳伐我又書齊人取譚及闚繼書歸邾

子益于邾又書齊人歸譚及闚屬辭比事大義昭然左氏乃以

康子妻姝之事當之此與桓公侵蔡爲蔡姬蕩舟之事相類當

以經爲正

程端學三傳辨疑

○取之復以歸之善之也然吳伐我齊取

邑然後歸邾子益于邾則非善之也易曰小人不威不懲

牛運震傳

○黃袁張說見邾魯交兵門

哀七

年公伐邾入邾以邾子益來

八年

吳伐我齊取譚闚歸邾子益于

邾齊歸譚闚十年公會吳伐齊

顧氏張氏說見齊魯交兵門哀十

哀七年宋圍曹鄭救曹

家氏說見宋滅曹門

哀八年吳伐我 十一年齊國書帥師伐我

汪德輔王方麓方望溪說見內被兵門

哀八年夏齊人取謹及闕歸邾子益于邾 冬齊人歸謹及闕

齊取二邑要魯以存邾故春秋於取邑之後卽繫之以存邾魯

既歸邾子齊卽歸侵魯春秋與齊以存亡之義也左傳以爲季

姬嬖故來歸侵疆証矣

家鉉翁詳說

○魯施無道於邾吳爲邾討至

爲城下之盟齊與邾有甥舅之好遂伐取二邑魯懼兩強之合

乃歸邾益于邾非知過也外迫之也所以取禍也魯歸邾君齊

歸魯邑亦非爲義不爲利也魯成于吳必將挾吳以臨齊急歸

所取亦以紓禍也其後公再會吳伐齊雖得邑前憾猶未平也

是知歸邾子歸譚闢皆出於不得已故其辭同

洪咨夔春秋說

○書歸

邑於歸邾子之後明著魯之見迫於齊而歸邾君也

張自超宗朱辨義

哀九年春宋皇瑗帥師取鄭師于雍邱 秋宋公伐鄭 十年夏

宋人伐鄭 十二年秋宋向巢帥師伐鄭 十三年春鄭罕達帥

師取宋師于崑

宋取鄭師之後繼伐鄭者再鄭不切切與校靜以俟機會之來

及向巢圍崑踰年師老矣鄭遂取之腹背夾攻全軍覆沒猶前

日鄭師之在雍邱也以此施者以此報書法無異辭以示作不

順施不怨之戒

洪咨夔春秋說

○許黶邾說

哀十

見取師門

哀十年春公會吳伐齊 十一年夏公會吳伐齊

兩年之間書公會吳伐齊者再責魯深矣魯爲不義入邾執其

君以齊來討而歸之既歸之而挾此爲憾導吳伐齊至再是固

強家所爲而公自將而出豈得不責公

家鉉翁詳說

哀十二年冬十有二月螽 十三年九月螽 冬十有一月有星

孛于東方 十有二月螽

孛孛凡三見而今于東方在衆星皆沒大明將升之且未有烈於此時者也螽蜚螟螽屢書而今十三月之間爲害者三未有數於此時者也且俱見於一年書之見憂患斯世之切

洪咨夔春秋說